Disputatio medica inauguralis de cynanche tracheali ... / Eruditorum examini subjicit Jacobus Dabney.

Contributors

Dabney, James. University of Edinburgh.

Publication/Creation

Edinburgi: Excudebant Adamus Neill et Socii, 1804.

Persistent URL

https://wellcomecollection.org/works/nk5nxdxc

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org

DISPUTATIO MEDICA

INAUGURALIS

DE

CYNANCHE TRACHEALI.

ADDRESS OF THE PARTY

CINANCHE PRACHENTS

DISPUTATIO MEDICA

INAUUURALIS

200

CYNANCHE TRACHEALL.

DISPUTATIO MEDICA INAUGURALIS

DE

CYNANCHE TRACHEALI;

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, SS. T. P.

ACADEMIÆ EDINBURGENÆ PRÆFECTI;

NECNON

Amplissimi SENATUS ACADEMICI Consensu, et Nobilissimæ FACULTATIS MEDICÆ Decreto;

PRO

GRADU DOGTORIS,

SUMMISQUE IN MEDICINA HONORIBUS AC PRIVILEGIIS,
RITE ET LEGITIME CONSEQUENDIS;

ERUDITORUM EXAMINI SUBJICIT

JACOBUS DABNEY,

VIRGINIE NSIS,

SOCIET. MED. PHILADEL. SOC. HONOR.

NECNON

SOCIET. REG. MED. EDIN. SOC.

Ad diem 25. Junii, horâ locoque solitis.

EDINBURGI:

EXCUDEBANT ADAMUS NEILL ET SOCIE.

⁶⁶ Principiis obsta : serò medicina paratur,

[&]quot; Cum mala per longas convaluêre moras." Ovid.

ABBUTH OFFA CURERO

Ad diem 25. Junii, hord lococom solities.

"Principile elette e serò medicina perature "
"Euse mala per longes convoluere morses" Ovini

MARITO AMITÆ SPECTATISSIMO,

MATTHÆO ANDERSON,

ARMIGERO,

QUI

ANIMO QUASI PATERNO
BENEFICIISQUE FERE INNUMERIS
DE EO PRÆCIPUE,
BENE MERUIT;

NECNON

FRATRI SUO OPTIMO
DILECTISSIMOQUE

BENJAMINI DABNEY,

LEGUM PERITO,

BENEVOLENTIA ET MORUM PROBITATE

CONSPICUO;

HANC DISPUTATIONEM,

OBSERVANTIA ET FRATERNO AMORE

MOTUS,

SACRAM

VULT

JACOBUS DABNEY.

Digitized by the Internet Archive in 2020 with funding from Wellcome Library

DISPUTATIO MEDICA

INAUGURALIS

DE

CYNANCHE TRACHEALI.

PROOEMIUM.

Croup, nomen diversum ab omni ferè auctore medico accepit; tametsi ineuntem ætatem multò sæpiùs, minimè tamen eam solam, (quod nonnulli quidem nec parvi nominis medici sibimet persuaserunt), infestat; juvenem enim viribus fidentem nonnunquam adoritur, etiamque, etsi rariùs, labentis ætatis semitam obsidet. Non desunt multa hujusmodi exempla. Cæteris omissis, sat erit mortem præclari Washington memorare;

quem virum spectatissimum, nunquam nimis plorandum, hic morbus acerrimus, jam annum sexagesimum nonum ætatis agentem, brevi spatio quatuor et viginti horarum, arte medicâ nihil valente, e vivis eripuit.—

- " Quis desiderio sit pudor aut modus
- " Tam cari capitis?
- " Cui Pudor et justitiæ soror,
- " Incorrupta, Fides nudaque Veritas,
 - " Quando ullum inveniet parem?"

HORAT.

Quum de causis nobiscum reputamus, quæ hodie morbum nostrum inducunt, non esse potest, quin credamus eum unà cum causis suis, temporibus etiam antiquissimis, viguisse ; igiturque sententiis eorum, qui originem ejus recentiorem esse volunt, minimè assentiri possumus. Est autem confitendum, medicos parum ei animum intendisse, neque benè, vel naturam ejus, vel curationem priùs intellexisse, quàm celeberrimus Home, tunc temporis in hac alma Academia Professor, in lucem edidit, "An inquiry into the nature, "cause, and method of cure, of the croup."

Ex quo tempore quidem, attentionem medicorum summo jure sibi magis vindicavit. Quanquam enim minimè sæpè occurrat, propter, tamen, hujus morbi violentiam, atque eventum haud rarò subito lethalem, et maximè, propter teneram ætatem, quam sæpiùs adoritur, oportet quemque medicinæ studio incumbentem, summam ei attentionem conferre.

Parùm inter medicos constat, quem locum hic morbus jure in nosologia methodica tenere debet. Quidam enim, summâ vi, eum inflammationem; alii eum esse morbum spasmum habentem, contendunt. Cùm ad causam proximam ventum est, duas esse species hujus morbi, alteram, scilicet, inflammationem, alteram spasmum habentem, ostendere operam dabimus.

Definitio hujus morbi a celeberrimo Cul-Leno tradita, ad speciem, de qua agitur, nobis ostendendam, sufficit: "Cynanche (tra-"chealis) respiratione difficili, inspiratione "strepente, "strepente, voce raucâ, tussi clangosâ, tumo-"re ferè nullo in faucibus apparente, deglu-"titione parum difficili, et febre synochâ *."

Infantes, dum adhuc matrum mammas ducunt, nonnunquam cynanche tracheali laborant, etiamsi quibusdam persuasum est, hos ei
non anteà obnoxios esse, quàm a mammis depulsi fuerint. Huic morbo infantes, colorem
nitidi, habitum pleni, animum gnavi, et pro
ætate vividi, maximè opportuni sunt. Unusquisque medicus, hunc morbum in locis inferioribus, humidis et paludosis, multò sæpiùs
accidere, consentit. Nihilò tamen seciùs in
omnibus regionibus, omni tempestate anni,
aëre frigido ac humido, præsertim si mutationes caloris atque frigoris subitæ sint, accidere
potest.

Quidam, sine justa ratione verò, ut nobis videtur, hunc esse morbum contagiosum contendêre. De hoc, tamen, sententiæ Michae-

LIS

^{*} Synop. Nosolog. Method. ad gen. x.

LIS potius assentimus, qui ait, "Nam si hic " vel illie exemplum occurrat, ubi plures in-" fantes eadem in domo, anginâ nostrâ labo-" rabant, ex altera etiam parte multis exem-" plis non caremus, ubi infantes sine omni " noxa, eodem in hypocausto cum ægrotan-"tibus degebant, et ubi imò oscula ægroto-"rum (quod ipse expertus sum), omni peri-"culo carebant *." Hinc majore fide judicare licet, etiamsi plures infantes simul eadem in domo et vicinitate degentes hoc malo afficiuntur, hoc ad contagium minimè attribuendum esse; ad quandam autem conditionem aëris adhuc incognitam, atque ad similitudinem morum ac consuetudinis eorum, qui alius alii vicinus, vel multò magis eadem in domo vivunt. Apud vulgus matres cum infantibus innocuis sæpè miserum ægrotum circumfluunt, ac stultè laborantem commiserantur; inde, infantibus suis omninò illæsis, abeunt.

De

^{*} MICHAEL. De Angin. Polypos. p. 68.

6 DE CYNANCHE TRACHEALI.

De natura ejus hæreditaria parùm certi dicere possumus; sed hodiè plerique medicorum in hac saltem insula, non hæreditariam esse putant.

SIGNA MORBI.

CYNANCHE TRACHEALIS minimè in eodem modo semper invadit; species autem inflammationem habens, de qua præcipuè dicimus, plerumque cum languore et lassitudine, quibus accedunt horror calore alternans, sitis atque alia pyrexiæ signa, incipit. Nonnunquam etiam per aliquot dies ante impetum mali, tussis brevis et sicca infantem vel hominem afficit, et ægrum sæpè per morbi progressum infestare persistit. Infantes ferè semper vigorem ac suam ludi cupiditatem amittere videntur; et, malo ingravescente, languidi, pigri, atque morosi fiunt. Illi, haud

haud multò pòst, si sermone uti valent, plùs minusve de quadam in aspera arteria, molestia, conqueruntur, et hac exploratâ, haud rarò contingit, ut pars externa et anterior paululum tumeat, et pressa doleat. Proclivitas ad somnum magna evadit. Lingua muco albido tegitur. Facies præter solitum rubet atque tumet. Nunc temporis sitis major et capitis dolor ægrum vexant. Febris et signa catarrhi, cum pulsu arteriarum frequente, celeri, duroque, voce raucâ, interdum stillicidio narium, tussi brevi, initio semper siccâ, magis magisque urgent. Faucibus inspectis, nihil, quod tantum mali excitet, videtur; parum enim a statu sano differunt, nisi fortassè plus justo niteant et muco tenaci obtegantur. Nunc quidem signum morbi peculiare et notatu dignissimum sese ostendit, sonus nimirum argutus atque stridulus, qui omni ferè respiratione audiri potest, præsertim autem inter loquendum, tussiendum, aut vagiendum. Hic sonus peculiaris non ineptè simillimus ei ex tubo æneo exeunti, vėl galli cantui vel catulorum latratui, habi-

tus est. Difficillimum quidem est verbis justam ejus notionem habere; sed ii tamen, qui semel audiverint, eum facillimè recognoscent. Os plerumque salivâ tenacissimâ impletur, et interdum materies membranacea vel purulenta, vomitu, tussive rejicitur. Sputa nonnunquam parca vel nulla; somnus brevis ac interruptus; in quo respiratio multò difficilior, quam in statu vigili. Pedes manusque sæpè tument; fauces externæ rariùs rubore vel tumore afficiuntur; neque inflammatio in internis quidem partibus semper manifesta. Appetitus cibi penè nullus; devorandi facultas, tamen, plerumque parum impeditur. Cutis per omne morbi spatium ferè semper calida atque persicca. Urina rubrior et parca; sub finem tamen morbi, sedimentum subalbidum deponit. Sanguis missus, et jam concretus, æquè superficiem coriaceam ac in aliis morbis inflammationem habentibus plerumque ostendit. Sensus omninò illæsi ad mortem usque remanent, vel instante morte, ut quidam putant, præter naturam acuti evadunt. Æger, signis supradictis.

dictis, et præcipuè spirandi difficultate ac suffocationis sensu, e vita haud rarò subitò discedit. "Alii magis lento mortis genere, auc"tà ac increscente semper respirationis dif"ficultate, cessante denique tussi, pulsu in"termittente ac tremulo facto, pereunt; ra"riùs tamen lentum tale mortis genus ob"servatur *."

Hic morbus nunc seriùs, nunc citiùs finem attingit; nonnunquam etiam horis septem †, ut homini adultà ætate accidit, sæpiùs tamen secundo, tertio vel quarto die, mortem adfert. Halenius quidem de infante, qui hoc morbo confectus est die decimo octavo, mentionem facit. Hoc verò inusitatiùs est. Observatum est, infantes, qui semel Cynanche Tracheali laboraverunt, ei multò opportuniores evadere, omni autem impetu, mox prægresso, leniore; et, quos primà ætate infestaverit, hos, præ aliis, adultos vexari solere.

B

CA-

^{*} MICHAELIS de Cynanche Polyposa.

[†] Prælect. Doctoris Hamilton.

CADAVERIS INCISIO.

Quæ suffocati, eadem ferè Cynanche Tracheali extincti ostendunt; nam facies his pariter ac illis tumescit et livescit, oculique prominent ac sanguine turgent. Membranam asperæ arteriæ intimam, cadavere inciso, signa inflammationis indubia exhibere, minimè perpetuum est; plerumque tamen clarè inflammatur, et tunc, ut aliis partibus inflammatis accidere solet, haud rarò lamina materiei pulposæ subflavæ investitur. Ratio longitudinis crassitieique hujus membranæ, aliis exemplis, alia est; modò enim longitudine pollicem, vel crassitie chartam scriptoriam, vix superat; modò adeò longa est, ut a summa larynge, in ramulos bronchiorum ultimos descendat, et tantæ crassitudinis, ut totam penè laryngem obturet. Hanc membranam præter naturam inter et tunicam asperæ arteriæ internam, nulla firma adhæsio, materie puriformi interposità, intercedit, et igitur igitur facilè separari potest. Aspera arteria, ejusque ramuli, sæpè quoque naturæ spumosæ mucosæ, vel puriformis, magnâ copiâ infarciuntur.

----> ---> --->

CAUSÆ REMOTÆ.

As historia morbi jam tradita planè constat, quodeunque organa respirationis irritet atque infirmet, id plùs solito humorum impetui ad asperam arteriam ramulosque bronchiorum favere; et corpus ad nostrum morbum idoneum reddere. Hinc haud rarò eos infestat, qui mox anteà affectionibus catarrhalibus, veluti, rubeolà, pertussi, cæterisque laborâssent. Ætas infantilis etiam huic morbo corpus admodum opportunum reddit; neque est ratio hujus rei difficilis intellectu, cùm pro certo habemus, corpora infantum multò magis irritabilia, quàm adultorum esse; unde necessè est, ut causæ eædem corporibus

poribus infantum ac adultorum admotæ, effectus in illis, multò graviores, quàm in his edant. Aër humidus quoque ad cynanchen trachealem proclivitatem dat; nam sæpiùs in locis paludosis apparet, et iisdem jam exsiccatis multò rariùs occurrit. Qui semel bisve morbo laboraverint, eum iterum faciliùs contrahunt. Suprà diximus, infantes pleno corpore huic morbo præcipuè obnoxios esse; hic igitur status, inter causas prædisponentes haud ineptè recenseri potest. Frigus, demùm, humore conjunctum, cæteris jam dictis annumerandum est; hoc tamen ferè semper pro causa excitante quoque habetur: Sed quomodo nunc catarrhum solum, nunc cynanchen tonsillarem, et nunc cynanchen trachealem gignit, adhuc in tenebris involvitur; et, ni fallimur, semper ibi erit ad tempus usque, quo effectus rerum externarum in fibras animalium viventes penitus noverimus. Exercitatio quoque totius corporis, sed partium præcipuè respirationi inservientium, morbum nostrum excitare potest.

CAUSA PROXIMA.

JAM satis inter medicos convenit, cognitionem et naturæ et causæ morbi, ad consilia medendi statuenda, omnind necessariam esse, et quasi curationis principium; his enim latentibus, remedia cum dubio jubemus, quorum effectus magis a casu quam ratione pendebit.

Sententiæ medicorum de causa proxima cynanches trachealis hactenus prolatæ, admodum variæ sunt: Alii enim contendunt, membranam præter naturam, albam, viscidam, crassam, quæ partem interiorem asperæ arteriæ occupat, esse in causa proxima morbi de quo agitur; alii contrà, inflammationem membranæ mucosæ laryngis asperæque arteriæ, hunc morbum facere voluerunt; denique haud paucis, spasmus vel distentio harum partium,

14 DE CYNANCHE TRACHEALI.

partium, ut causa morbi proxima multò magis placuit.

Quarum opinionum primæ nequaquam assentire possumus, proptèrea quòd, illa præter naturam membrana non semper existit, et ubi adest, pro effectu potius quam morbi causa habenda est. Reliquæ opiniones, ut quæ, duas species morbi, alteram inflammationem nimirum, alteram spasmum habentem, dignoscant, satis ad verum fortassè spectent. Cum enim reputamus signa, quibus, species hæc de qua tractatur, insignitur, plerumque talia esse, qualia etiam in aliis inflammationis morbis accidunt, et in corpore actionem vasorum auctam indicant; pulsum, scilicet, durum et celerem, febrem synocham, sanguinem superficie coriaceà obductum, et lympham, quæ facilè concrescit, haud rarò, sub finem hujus morbi, ex partibus inflammatis effusam, et maximè inflammationem ipsam sæpè manifestam: Porrò, cùm causas remotas, quæ hunc morbum incitant, reputamus, tales esse, quales in aliis partibus corporis inflammationem gignunt;

gignunt; et remedia præcipuè in hoc laudata, eadem esse, quæ maximo auxilio aliis inflammationibus sunt; licet nobis, summa cum verisimilitudine, celeberrimo Culleno assentire, causam proximam existimando inflammationem membranæ mucosæ laryngis ac asperæ arteriæ esse.

Credere etiam spasmum hac specie sæpè esse conjunctum, haud absurdum est; aliter enim causam suffocationis subitæ, quæ haud rarò mortem repentinam adfert, non benè explicare possumus; lymphâ in asperam arteriam fusâ et in speciem membranæ versâ, rarò per se respirationem penitùs prohibere valente. Hoc concesso, nihilominus, cum Rushio alteram esse speciem, quæ jure spasmodica appellata est, opinamur. Doctor MIL-LAR hanc speciem ita accuratè descripsit, ut non alienum videatur, verba ejus proferre: " Children (inquit) at play were sometimes " seized with it, but it generally came on at " night. A child who went to bed in perfect "health, waked an hour or two afterwards "in a fright, with his face much flushed, or sometimes of a livid colour; incapable of describing what he felt; breathing with much labour, and with a convulsive motion in the belly; the returns of inspiration and expiration quickly succeeded each other in that particular sonorous manner, which is often observed in hysteric parometer waysms. The child's terror sometimes augmented the disorder. He clung to the nurse, and if he was not speedily relieved by coughing, belching, sneezing, vomiting or purging, the suffocation increased, and he died in the paroxysm *."

Hanc esse speciem spasmodicam, et inflammatione omninò vacuam, ex sequentibus conjicere adducimur; propterèa quòd, subitò invadit, ne ullis levissimis quidem signis adversæ valetudinis prægressis; tum sæpè per
horas aliquot, et, haud rarò, per dies integros,
signa

^{*} Vide Rush, Medical Inquiries, p. 175.

signa morbi, nullo ex aspera arteria profluvio comitante, omninò intermittunt; tum, quòd aspera arteria in nonnullis infantibus cynanche tracheali confectis, per scalpellum explorata, nulla indicia vel inflammationis vel lymphæ effusæ obtulit; denique, quòd huic morbo optimè remediis stimulantibus et antispasmodicis, et præcipuè, tepidario, obviam itur. Porrò autem, dignum memoratu videtur, aliquid mali evidentis, veluti, segnitiem, lassitudinem, atque indicia nonnulla catarrhi et pyrexiæ, alteram speciem, nimirum, quæ-inflammationem habeat, plerumque antecedere; et eam prætereà, sine ulla remissione manifesta gradatim per aliquot dies increscere, et remediis antispasmodicis non concedere. Hinc alteram ab altera specie longè distare, benè perspicuum est.

DIAGNOSIS.

In hoc, ut in plerisque morborum, nullum est signum quod per se, vel morbum, vel speciem morbi, semper sine dubio significat. Non igitur est medici, hunc vel illum morbum non adesse, temère concludere, quia unum vel alterum signum deest: omnibus autem simul conjunctis, animum intendere debet. Hoc modo, non difficillimum erit, hunc ab omni alio morbo distinguere.

Morbi, quibuscum nostra species cynanches trachealis commisceri potest, sunt, species ejus spasmodica, cynanche tonsillaris, cynanche maligna, catarrhus, pertussis, pneumonia, asthma, et obstructiones asperæ arteriæ.

Cùm causam proximam tractabamus, distinctionem, quæ inter species cynanches trachealis duas intercedat, plenè memoravimus; itaque,

DE CYNANCHE TRACHEALI. 19

itaque, quæ suprà dicta sunt, hic repetere non opus est.

In cynanche tonsillari devorandi facultas, multò difficilior, respiratio minùs læsa, tonsillæque magis rubent, tument atque dolent: in nostro autem morbo respiratio admodum difficilis; devorandi facultas omninò ferè illæsa manet; tonsillæ vix aut ne vix quidem tumore vel dolore afficiuntur, et vox stridula ferè semper adest: hinc plerumque satis facilè erit, hos inter morbos dignoscere.

In cynanche maligna glandulæ circa fauces tument, et humor acris e naribus stillat, spiritus fætet, crustæ vel aphthæ in ore apparent, eruptio ferè die secundo super cutem sese ostendit, urgetque summa debilitas. E contagio oritur. Hic verò morbus, glandulis tumidis, humore acri, spiritu fætido, crustis vel aphthis, et cutis eruptione, caret; neque debilitate tam magnâ comitatur, neque unquam e contagio oritur. Sunt quidem signa nonnulla, quæ morbo utrique communia exis-

tunt, dolor, nimirùm, capitis et colli, nausea, vomitus, fauces plùs minùsve rubræ ac tumidæ, oculi subrubri. Sedes verò doloris in gutture cum sono peculiari stridulo, aliisque signis anteà memoratis, præter dubium, nostrum ab illo morbo distinguit.

Signa plurima æquè catarrho atque cynanche tracheali propria sunt; quo fit alterum ab
altero, initio saltem, difficillimè dignosci posse. Morbus autem noster brevi tempore oppressionem magnam, et sensum angustiæ vel
suffocationis gravem inducit, et plerumque
sono stridulo stipatur; in catarrho, contrà,
hæc signa multò mitiora sunt et lentiùs progrediuntur; neque sonus stridulus adest.

Pertussis tardiùs obrepit, dolore et tumore asperæ arteriæ omninò caret; respiratio ferè nunquam difficilis; tussis multò gravior, intervallis recurrit, et multò sæpiùs muci tenacis excreatione vel vomitu cessat. Sonus huic morbo peculiaris a spiritu subitò et violenter in pulmones hausto, aëre ex his intertussiendum


tussiendum ferè omninò expulso, pendere videtur; neque audiri potest, nisi in spiritum fortiter trahendo, quod tussiendi impetum statim sequitur; et igitur hunc ab illo, qui cynanche tracheali perpetuò ferè adest, separare haud difficile est.

In pneumonia est dolor lateris vel partis cujusdam thoracis, spiritu plenè inducto, multùm auctus. Pulsus etiam plenus, validus atque durus est. Ille adultos sæpiùs arripit.
Cynanche trachealis autem non in thorace,
sed in aspera arteria, sedem suam tenet; dolor est mitior, sensus suffocationis major; sonus stridulus plerumque adest, pulsus sæpiùs
non tam plenus, validus et durus. Hic plerumque infantes vel juvenes infestat.

Asthma rarò impuberes invadit, et accessionibus præcipuè inter noctem grassatur; sensus angustiæ in pectore magis urget. Cynanche trachealis autem impuberes sæpiùs vexat, neque sub accessionibus certo tempore recurrit, neque ita tardè progreditur, neque

in thorace angustiæ sensum, sed maximè in aspera arteria, ægro excitat.

Obstructiones asperæ arteriæ, magna ex parte, vel a tumoribus eam comprimentibus, vel extraneis in eam illapsis, vel in œsophago hærentibus, oriri possunt. Signa harum ab iis cynanches trachealis propriis, plerumque satis facilè dignosci queant; tumores enim paulatim increscunt, extranea in asperam arteriam illapsa tussim continuam provocant et in œsophago inhærentia ægroto sensum doloris movent, devorandi facultatem impediunt vel omninò obstruunt.



PROGNOSIS.

Natura morbi hujus mortiferâ, et tenerâ ætate, quam plerumque adoritur, et cito ejus exitu, acri judicio, perpensis, nimis perspicuum

cuum est, nos cautissimè, de eventu prædicere oportere. At, si morbus quadraginta horas vel ampliùs anteà perstiteret, quàm auxilium petatur; si spiritus difficilis magis magisque urget, et vox stridula perpetuò adest; si pulsus fit debilis ac valdè frequens, et febris atque tussis sicca, crebra, maximè ægrotum vexant; si facies rubra, tumida et penè livida fit; si angor magnus et inquietudo molestissima adsunt, maximum periculum ægro imminet. Contrà, autem, ubi auxilium, sub morbi initio, tempestivè petitur, ubi spiritus neque laboriosus, neque citissimus; et pulsus etiamsi frequens, plenusque, mollis, tamen et æqualis; ubi respiratio parum stridula, nisi ' inter tussiendum vel vagiendum; ubi febris lenis, tussis humida; et ubi materiæ tenacis albæ frusta, membranæ simillima, vel pus excreatur; ubi signa morbi nunc intenduntur, nunc se remittunt; fortassè exitum futurum esse faustum prædicere liceat.

RATIO MEDENDI.

In cynanche tracheali multa medicamenta, diversis temporibus adhibita sunt, plerumque autem misero parum auxilii attulerunt. Temporibus verò recentioribus, medici ex cadaveribus incisis et experientià, scientiam hujus morbi haud mediocrem adepti, hos eo laborantes ad bonam valetudinem multò sæpiùs restituunt. Ratio medendi in hæc consilia resolvi potest:

Primò, Inflammationem asperæ arteriæ, et simul febrem eam comitantem summovere; et inde formationem membranæ morbidæ prohibere. Secundo, Distentionem vel spasmum resolvere, et eo modo ægroto a suffocatione præcavere.

Hæc duo consilia, quippe quæ iisdem ferè artibus efficiuntur, hic simul tractari possunt. Huic, sicut omnibus morbis inflammationem habentibus, sanguinis detractio maximo
est usui; violentiæ autem signorum, pulsui,
ætati, et corporis habitui, aptanda*. Sanguis
primò e vena incisa, si fieri potest, semper eliciendus est; et deinde, si usus postulat, e loco, quàm proximè ad morbi sedem, vel per
cucurbitulam cruentam, vel per hirudines †.
Sæpè autem in infantibus venam incidendi
copia non datur, et igitur ad cucurbitulam vel
hirudines, quàm proximè ad asperam arteriam

admotas,

D

^{* &}quot;Si vires patiuntur, sanguis mittendus est;" (et paulò pòst), "cucurbitula rectè sub mento, et "circa fauces admovetur; ut id, quod strangulat, "evocet."—Celsus, lib. iv. cap. iv.

^{† &}quot;Bleeding (inquit auctor celeberrimus) ap"pears to have been attended with immediate good
"effects, and to be a powerful remedy in this situa"tion. This ought to be done expeditiously and
"plentifully, while the pulse will allow it. It is
"best to take blood at first with the lancet, so that
"a sufficient quantity may soon be drawn off; and
"afterwards by leeches, applied to the upper and
"fore part of the throat."—Home on the Croup.

admotas, statim decurrendum est; et posteà fluxus sanguinis aquâ tepidâ promovendus.

Medicamenta vomitoria, morbo ingruente, administrata, vires morbi persæpè fregerunt; et interdum etiam progressum ejus prorsùs prohibuerunt: Sed sæpissimè ad hoc consilium efficiendum nimis serò adhibentur. Nihilominus hæc ad materiem in asperam arteriam effusam ejiciendam, summis laudibus jure elata sunt; quæ materia, cum ibi remanet, citò firmitatem membranæ sibi sumit; et quæ, nisi ejecta, magis magisque accrescit, et brevi, haud rarò, ægrum suffocat. Tartris antimonii, ita administratus ut vomitionem plenam moveat, efficacissimus ad hoc consilium explendum compertus est. Nonnunquam verò fit ventriculum quodammodo torpere, igiturque vomitum movere difficillimum est; in exemplo hujusmodi, quod Doctori FERRIAR occurrit, sulphas cupri successu exoptato adhibitus est. Vomitoria quidem medicamenta non solum ventriculum, verum etiam aliquatenus laryngem, per œsophagum afficiunt;

afficiunt; hinc portiones haud ita parvæ muci spissi, simul cum rebus quas stomachus continet, ejiciuntur. Hanc ejectionem materiæ mucosæ signorum allevatio insignis gravissimorum, anxietatis scilicet magnæ, difficultatisque spirandi, semper subsequitur.

Polygala Senega ob effectus in hoc morbo a Joanne Archer, M. D. Hartford in provincia Maryland, summè laudatur, ut ex litteris* ejus ad Professorem Barton Pennsylvaniæ,

^{*} Hæ litteræ aliquid utilitatis quod ad curationem cynanches trachealis continere videntur; ideòque hic locum dedimus.

[&]quot;I have in a great many instances (inquit) found

[&]quot; a decoction of the seneka the most powerful me-

[&]quot; dicine in the cure of this disease, and I am happy

[&]quot; to tell you that I believe it may be depended on.

[&]quot; I make a strong decoction of the root in the fol-

[&]quot; lowing manner, viz. Half an ounce of the seneka

[&]quot; in coarse powder is boiled in eight ounces of wa-

[&]quot; ter down to four. Of this I give a tea-spoonful

[&]quot; every half hour, or hour, as the urgency of the

[&]quot; symptoms may require; and at intervals a few

[&]quot; drops to keep up the stimulus, until it either acts

vaniæ, quarum exemplum infrà transcripsimus, missis apparet; atque haud immeritò, cum ne ullum quidem medicamentum fortassè exscreationem promovendi majore vi gaudet, ideoque ad aliorum hujusmodi medicamentorum vicem implendam aptissimum videtur. Neque veri absimile est, fluxum sali-

[&]quot; as an emetic or cathartic. I then repeat it in " smaller quantities, so as to preserve the stimulus " of the seneka constantly in the mouth and throat. " If the disease be more advanced, and the breath-" ing more difficult, with a peculiar harsh shrill " sound, like air forcibly drawn through a small ap-" perture, attended with a retraction of the upper " part of the abdomen under the cartilages of the " ribs; I then give calomel freely and frequently, "" and rub mercurial ointment on the throat and con-"tiguous parts, so as to affect the glands of the " throat and mouth as quickly as possible. This I "do that the mercury may co-operate with the ac-" tion or stimulus of the seneka, and thereby hasten " the separation of the membranous substance " formed in the trachea. In this method I have " succeeded in the cure of croup, even beyond my " most sanguine expectations."

væ copiosiorem acrimoniâ ejus excitari; hoc modo igitur, fluida ab aspera arteria glandulas salivæ versus derivari, inflammationem solvi, et formationem membranæ impediri posse.

Si morbus adhuc ægrotum vexare perseverat, necesse est, ut alia remedia mox memoranda vomitioni succedant.

Emplastra meloës vesicatorii gutturi extrinsecùs admota post sanguinis detractionem, ad morbum levandum, vel etiam submovendum, utilissima sunt reperta.

Remedia laxantia rectè adhibita, ægro haud parum commodi adferunt. Si medicamenta hujusmodi, justà quantitate, in ventriculum demitti non possunt, alvus lotionibus per anum infusis ducenda est. Submurias hydrargyri, omnium horum medicamentorum efficacissimum videtur. Rush jamdiu sibi persua-

sum habuit, hoc medicamentum solum sæpissimè ad morbum sanandum valere *.

De hujus effectibus multum dubii inter medicos: Alii enim usum ejus laudibus haud parvis extulerunt; alii contenderunt vim supra alia remedia ejusmodi non esse perspicuam. Experientia multa, tamen, nuperrimè repertum est, submuriatem hydrargyri longè omnia alia classis hujus medicamenta superare. Medicus † haud parvi nominis prælectionibus suis publicè docet, se hoc remedio confisum, curationem efficere posse; nisi labra facta fuerint livida, et æger in articulo

^{* &}quot;Our principal dependence," inquit, "should "be placed upon this last medicine (calomel). A

[&]quot; large dose of it should be given as soon as the

[&]quot; disease discovers itself, and smaller doses given

[&]quot; every day while any of its symptoms continue.

[&]quot;The bark is scarcely a more certain remedy for

intermittents, than calomel, when thus admini-

[&]quot; stered, is in this species of cynanche."-

Rush's Medical Inquiries.

[†] Doctor Hamilton, Art. Obstet. Prof.

ticulo mortis versetur, antequam auxilium petatur. Hujus medicamenti granum unum, vel duo, vel etiam amplius, omni horâ vel semihorâ, secundum morbi violentiam et ægri ætatem, adhiberi debent, ad id temporis usque, quo malum inclinari incipiat. Quum primum vires morbi domuerit, et copia minore et intervallis longioribus adhibendum Magna vis fædæ, subviridis, limosæ materiæ plerumque dejicitur, et brevi post æger incipit meliùs se habere. Uni ægro, quinque annos nato, submuriatis hydrargyri grana septem et viginti, spatio quatuor et viginti horarum; alteri menses septem nato, spatio trium dierum, grana octoginta quatuor; alteri annos duos nato, horis duodecim, grana triginta sex; alteri, menses quinque nato, horis quatuor et viginti, grana triginta duo; alteri annos tres nato, tribus diebus, grana centum et triginta tria, maximo cum fructu in nostro morbo sanando adhibita sunt.

Regimen antiphlogisticum, et aër quoque cubiculi egelidus, et remedia etiam ad hali-

32 DE CYNANCHE TRACHEALI.

tum cutis promovendum, omninò necessaria videntur.

Ad speciem spasmum habentem solvendam, remedia antispasmodica adhibenda sunt; sicuti, tepidarium; vel inhalare vapores aquæ tepidæ solius, vel cum vaporibus ætheris sulphurici, vel camphoræ, commistæ; opium; assafætida.

FINIS.